



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Reverendi Dom. D.|| Leonardi || Rvbeni SS. Theolo-||giae  
Licentiati Abbatis || Ordinis D. Benedicti Mo-||nasterij  
Sanctorum Apostolorum Petri & || Pauli Abdinckouensis,  
in ciuitate || ...**

**Ruben, Leonhard**

**Padibornae, 600 [i.e. 1600]**

**VD16 R 3400**

Cap. XXIII. Falsos prophetas esse similes lupis rapacibus.

[urn:nbn:de:bvb:12-bsb10194563-1](https://nbn-resolving.org/urn:nbn:de:bvb:12-bsb10194563-1)



& vastatus : laqueus inuenum omnes, & in  
 domibus carcerum absconditi sunt ; facti sunt  
 in rapinam, nec est qui eruat : in direptionem,  
 nec est qui dicat, Redde, Contritio super con-  
 tritionem, inquit, Ieremias cap. 4. 20. vo-  
 cata est, & vastata est omnis terra : repente  
 vastata sunt tabernacula mea, subito pelles  
 mea. & v. 30. Tu autem vastata quid facies ?  
 cū vestieris te coccino, cū ornata fueris mo-  
 nili aureo, & pinxeris sibi oculos tuos, frustra  
 componeris, contempserunt te amatores tui,  
 animam tuam querent. Nunc luporum na-  
 turam examinemus.

## CAPVT XXIV.

**FALSOS PROPHETAS**  
 esse similes lupis rapax  
 cibus.

**N**on immeritò mandatum pastoribus  
 Prouer. 27. 23. vt diligenter agnoscant  
 vultum pecoris sui, suosq; greges considerent.  
 Necessè est enim, vt pastor gregem suum  
 dignoscat, & singulorum vultum intuea-  
 tur : ne morbida adsit ovis, multò magis  
 cauendum, ne lupo rapax sub pelle ouina  
 sese immisceat : maximè verò animaduer-  
 tendum,



366 DE LVPIS RAPACIBUS,

tendum, ne idem lupo rapax veste ouina  
 tectus in ouile sese ingerat: & tandem vel  
 absente, vel pastore supina negligentia  
 dormitante, gregem dominicum, non au-  
 ro & argento, sed pretioso sanguine agni  
 immaculati Iesu Christi comparatum di-  
 laceret & deuoret. Ne vero pastoribus sim-  
 plicioribus deessent certa argumenta eos  
 cognoscendi, tractavi ea de re fusè olim  
 per decem conciones in templo & Mona-  
 sterio ordinis D. Benedicti, loco professio-  
 nis meę, D. Martini maioris, Colonie: que  
 nunc breuiter contraham, & tum ex sacris  
 literis, tum ex sanctis Patribus & historicis,  
 omnium penè corporis partium anatomi-  
 am proponam: tum actiones discutiam  
 proposito nostro conuenientes. Corporis  
 partes inspecturi ab ore ipso ad extremi-  
 tatem caudæ rem deducemus. Primò itaq;  
 ore & voce cognoscitur. Hinc D. Chry-  
 sostomus in opere imperfecto in Mattheu  
 hom. 19. *Si quis, inquit, lupum cooperiat pel-  
 le ouina, quomodo cognoscet illum, nisi aut per  
 vocem, aut per actum?* Ouis ergo, quod pri-  
 mum est, ore demisso balat, lupo os in æ-  
 ra conuertit & ululat blasphemiam. Sic  
 D. Chryostomus ibidem. *Ouis, inquit,  
 inclinata deorsum balat, lupo in æra conuer-*

*Corporis  
 lupini des-  
 scriptio.*



vir caput suum cōtra calum, & sic vlulat. Quē ergo secundum Deum vocem humilitatis & confessionis emittit, ouis est: qui verò aduersus veritatem turpiter blasphemys vlulat contra Deum, lupus est, sicut dicit propheta de illis, scilicet psalm. 72. iniquitatem in excelsis locuti sunt, posuerunt in calum os suum. Hæc ille.

Tu verò Christiane lector examina omnes laudes Catholicorum erga Deum & sanctos eius, confer easdem cum Lutheri & asseclarum eius, de iustificatione, de gratia, de libero arbitrio, de obseruatione mandatorum blasphemys, & verè senties de his D. Iudam in sua epist. v. 10. dixisse. *Et hi quidem quacūq; ignorant blasphemant, quacūq; autem naturaliter, tanquam muta animalia norunt, in his corrumpuntur.*

Secundum est in voce lupi, quod hæc cōmunis non sit, sed agrestis quidam vlulatus, vt notauit D. Ambrosius. Hic enim tomo 3. lib. 10. epistola 81. ad Syricium Papam, cui subscripserunt octo Episcopi & omnes ordines, sic inquit. *Recognouimus literis sanctitatis tue boni pastoris excubias, qui fideliter commissam tibi ianuam serues: & pia sollicitudine Christi ouile custodias, dignū que*

oues

2. Vox agrestis & vlulatus luporum.



ones Domini audiant & sequantur, & ideo quia nosti ouiculas Christi, lupos facile deprehendes, & occurrens quasi prouidus pastor, ne isti morsibus perfidia sua, feraliq; ululatu dominicum ouile dispergant. Laudamus hoc domine frater (in titulo vocat illum Papam) nobis dilectissime, & toto concelebramus affectu. Nec miramur si luporum rabie grex domini perhorruit, in quibus Christi vocem non recognouit. Agrestis enim ululatus est, nullam virginittatis gratiam, nullum castitatis ordinem seruare, promiscue omnia velle confundere, diuersorum gradus meritorum abrogare, & paupertatem quandam caelestium remunerationum inducere, quasi Christiana sit palma, quam tribuit. (Hinc enim pluri mi abundant tituli premiorum) Sed que potest laus esse coniugij, si nulla virginittatis est gloria? Hæc dicit Ambrosius. Quæ singula si discussseris, dixeris Lutherum verè agrestem ululatum lupina voce edere, qui nullam reliquit virginibus gratiam, quam Deus illis tribuit Isai. 56. maximam in muris scilicet suis v. 5. locum & nomen melius à filiis & filiabus: nomen sempiternum, quod nō peribit, quos, v. 7. latificat in domo orationis sue, quorum victime & holocausta placebunt maxime. Tribuit eandem D. Paulus 1. Cor.

Lutheri  
agrestis  
ululatus  
contra  
virginita-  
tem.



7. tribuit D. Ioan. Apoc. 14. 1. vbi stant cū agno habentes nomen eius & nomē patris eius scriptū in frontib<sup>9</sup> suis. Scribit nomē in frontibus eorum, tanquam in sede verecundiæ & pudoris, tanquam in rebus pretiosis quas semper possidere volumus. Sic cum Absoloni filij deessent, 2. Reg. 18. 18. erexerat sibi cū adhuc viueret titulum, qui est in Valle regis: dixerat enim, Non habeo filium, & hoc erit monumentum nominis mei. Vocauitq<sup>3</sup> titulum nomine suo, & appellatur, Manus Absalom: vsq<sup>3</sup> ad hanc diem. Sic Apocal. 3. 12. Scribam super eum nomen Dei mei, & nomen ciuitatis Dei mei noue Ierusalem, qua descendit de calo à Deo meo, & nomen meum nouum. Præter canticum, quod Apocal. 14. 3. solæ virgines potuerunt decantare. Vide Origenem tract. 7. in Matth. August. tom. 6. lib. de virginitate cap. 24. 25. 30. Basilium libro de Virg. D. Gregorium Papam parte 3. curæ pastoralis capite 24. Gregorium Nazianzenū in exhortatione ad virgines. Hieronymum in cap. 56. Isaia.

Tertiò, ad priora redeundo, asserit idem D. Ambrosius agrestem esse luponū vlulatum, nullum castitatis ordinem seruare, & promiscuè omnia velle confundere. Est enim adhuc præter castitatem vir-

3. contra  
castitatis  
ordinem.

Cc

ginuni;



virginum, castitas non nuptiarum & viduarum, quarum castitas præfertur castitati coniugum à D. Paulo 1. Cor. 7. v. 8. *Dico autem non nuptis & viduis: bonum est illis sic permãneant, sicut & ego.* Ergo D. Paulus illum statum elegit, quem Lutherus spreuit: v. 28. *Si nupserit virgo, non peccat; tribulationem tamen carnis habebunt huiusmodi. Ego autem vobis parco.* Quæ tribulatio vnde oriatur, capite superiore 18. ostendimus. Pergit D. Paulus in eodem cap. 7. v. 29. *Hoc itaq; dico fratres, tempus breue est: reliquum est, ut qui habent uxores, tanquam non habentes sint.* v. 30. eiusdem capituli. *Volo autem vos sine sollicitudine esse. Qui sine uxore est; sollicitus est quæ Domini sunt quomodo placeat Deo. Qui autem cum uxore est, sollicitus est quæ sunt mundi, quomodo placeat uxori: & diuisus est.* v. 34. *Mulier innupta & virgo, cogitat quæ Domini sunt: ut sit sancta & corpore & spiritu. Quæ autem nupta est, cogitat quæ sunt mundi quomodo placeat viro.* Sic veras viduas honorari præcipit 1. Tim. 5. 3. *Viduas, inquit, honora, quæ vera viduæ sunt.*

Quartò asserit idem D. Ambrosius a gremio esse vlulatû, diuersorum gradus abrogare meritorum, & paupertatem cælestiuna



lestium inducere remunerationum. Itaq;  
 lupi isti non vident in domo patris Christi  
 mansiones multas, Iohannis cap. 14. 2. vel  
 ignorant rationem seminis, Matth. c. 13. 8.  
 vbi aliud fert fructum trigesimum, aliud  
 quinquagesimum, aliud centesimum: neq;  
 considerant diuersitatem talentorum, &  
 lucri, & præmiorum Matth. 20. 10. Luc. 19.  
 16. neq; diuersitatem gloriæ beatorum,  
 quam D. Paulus ex diuersitate claritatis  
 stellarum 1. Cor. 15. 41. &c. deducit. Neq;  
 è contrario diuersitatem pœna damnato-  
 rum, quæ patet ex Deut. 25. 2. Matth. 10. 15  
 & 11. 22. Luc. 10. 14. 11. 26. Apoc. 18. 7. Ex  
 his facile colligit lector, anne lupino spi-  
 ritu agitatus fuerit Lutherus, cùm in suo  
 plusquã diabolico & carnali epithalamio,  
 in 1. Corinth. cap 7. scripsit in hæc verba:  
*Coram Deo æque multum valet, siue sis virgo  
 siue non sis; & sicut supradictum est, qui ser-  
 uus vocatus est, libertus est Domini; ita & hic  
 dici potest, quæ virgo vocata est, mulier est  
 coram Deo. Apud Deum omnia equaliter  
 valent, nec ulla est differentia meritorum; sed  
 sola fides equalis est in omnibus, & per omnia.  
 Insani autem Doctores Diaboli, Monachis &  
 Monialibus, & cunctis virginibus singu-  
 lares aureolas in celo fabricant, atque ex*

*Merito-  
rum di-  
uersitas.*

*Diuersi-  
tas pœna-  
rum.*



*eis sponsas Christi faciunt.* Ergone tibi Lu-  
there perfuge Monache, insanus Doctor  
Diaboli Isaias propheta, Christus ipse, D.  
Paulus Doctor gentium, & D. Iohannes  
cum omni sanctorum Patrum ante citato-  
rum serie, qui tantum discrimen rerum  
antedictarum cum diuersitate premiorum  
constituerunt? Miror in super te fidem æ-  
qualem in omnibus Christianis statuere,  
& id quidem non minus, quam te miraren-  
tur Dialectici: si diceres qualitatem non  
suscipere magis & minus.

*5 Os ma-* Quintò, os est maximæ aperturæ, &  
*xima a-* maximum vigorem habet in ore suo. Ho-  
*pertura* rum enim os, psalm. 9. 28. & 13. 3. *maledi-*  
*& vigo-* *ditione plenum est, & amaritudine & dolo.* Ap-  
*ris.* *pertura* est, cum os eorum, psal. 16. 10. lo-  
cutum est superbiam, & cum psal. 34. 20.  
*in iracundia terra loquentes, dolos cogitarunt:*  
*& dilatauerunt os suum.*

*6 dentes* Sextò dentes habet ferratos, quibus  
*habet fer-* maximè lædit, non tantum oues, sed & ea-  
*ratos.* rum pelles: ita vt si pellem cum oue non  
deglutiat, eam tamen licet præparatam à  
coriarijs habeas, scatentem pediculis inue-  
nies: doctrinam scilicet in se diuisam, qua  
maximè lædunt. Quicquid verò doctrinâ  
eorum planè & penitus non absumitur, id  
verme



verme malæ conscientia inficitur, vt dixit Lutherus ipsemet cap. 9. fol. 92. se ex parentibus pediculosis natum. Serratos habet dentes: sunt enim similes bestiaë quarta, quam vidit Daniel capite 7. 7. 19. quæ dentibus comedebat, & comminuebat, & cætera pedibus conculcabat. Dentes enim eorum, vt est psal. 56. 5. *arma & sagitta: & lingua eorum, gladius acutus.*

Septimò oculos contemplemur, inueniemus in his visum eorū esse noxium. Hinc est teste D. Ambrosio tom. 3. lib. 7. in 10. caput Lucæ, quod si quem hominem viderint, vocem eius quadam naturæ vi feruntur eripere: si autem homo prius eos viderit, exagitari memorantur. Similia habet Plinius lib. 8. capite 22. ad quorum naturam alludens D. Ambrosius loco citato inquit, *Sic hæretici si quem versura disputationis suæ circumscriptione prauenerint, faciunt obmutescere. Mutus est enim, qui verbum Dei non eadem qua est gloria confitetur. Cæue ergo ne tibi vocē tollat hæreticus, si prior eum non ipse deprehenderit: serpit enim dum latet eius perfidia. Si autem commenta impietatis eius agnoueris, iacturam pie vocis timere non poteris. Cæue igitur versute disputationis venena.* Hinc est quod bene instructi apud



Catholicos, minus eos pertimescant: contra verò malè instructi, facillè peruertantur: & peruersi, vt est Ecclesiastici c. 1. 15. difficilè corrigantur. Nota tamè quod addat Plinius illorum visum in Italia maximè esse noxium.

8. collo rigidiore.

Octauò est collo minus flexo. Est enim nouum id genus hominum durius, quàm vt collum iugo dominicorum præceptorum submittat. Inter cætera siquidem miracula quæ patrarunt, est, quòd ex hominibus fecerunt elephantes, qui corpus nusquam inclinant: ita hi vix ad res diuinas venerandas sese demittunt.

9. stomacho sunt calidissimo.

Nonò, stomacho sunt calidissimo, hinc voracissimi sunt, vt de falsis prophetis superiùs cap. 1. & 8. & sequentibus ostendimus, maximè verò quòd carnibus delectentur, quibus adde auctorem operis imperfecti in S. Matthæum sic dicentem.

*Herbas manducat ovis, at lupus carnibus delectatur: quem videris igitur de pratis scripturarum herbas floridas iustitie colligentem, cuius est: quem videris autem in sanguine persecutionis gaudentem lupus est.*

10. Iecur vngula equina simile.

Decimò, iecur luporum, teste Plinio lib. 28. 11. equinæ vngulæ simile est, quæ etiã asserit rumpi equos, qui vestigia luporum

rum



rum sub equite sequuntur. Quod si verum est, verum etiam dixeris, multos concionatores pseudoprophetarum vestigia incautiùs rimando ruptos esse. Vndecimò docet idem Plinius dicto loco, vestigia eorù torporè & tepiditatè afferre. Hinc falsos prophetas, quia nec frigidi sunt nec calidi, sed tepidi, incipit Dominus Apoc. 3. 16. eumere de ore suo. Duodecimò, toto dorso est rigidù animal teste D. Ambros. tom. 3. lib. 7. c. 10. in Lucã, q̄ hæreticis accõmodãs, *Corporea, inquit, quadam mentis intentione duri ac rigidi, nequaquam solent à suo errore deflectere. Et ideo Apostolus ait. Tit. 3. Hæreticum hominẽ post vnã correptionem deuota, sciens quia subuersus est qui huiusmodi est.* Decimotertiò, ex intestinis eorum chordæ conficiuntur, quæ si in testudinibus adhibeatur chordis ouinis, eas corroduunt: adeo falsorum prophetarù intestina sunt perniciofa. Decimoquartò, pellis aliquibus non minus est perniciofa, valet enim ad excitandos catharros: qui fidẽ dictis non adhibet, is caput vna vel altera nocte muniat pileo ex pellibus lupinis confecto, & facilè catharros contrahet: Ita falsi prophetæ catharrosi sunt, & facilè fluxus, maximè libidinis patiuntur.

11. Vestigia torporè afferunt.

12. Dormiunt rigidum dum habet

13. Intestina luporum.

14. Pellis perniciofa.



15. in cau  
da eorum  
venenum

Decimoquintò, teste Plinio libro 28. cap. 22. caudę huius animalis creditur vulgò inesse amatorium virus exiguo in villo: lupum verò, cùm capitur, id abijcere. Non pollere autem virus illud, nisi viuo direptum, idem asserit. Venenosis bestijs, vti serpentibus, draconibus, scorpionibus, communiter maior potestas est in cauda, vti & de draconibus cap. 23. ostendimus: sic & lupis, híc; sic & vulpes Samsonis in perniciem frugū capitibus, dispersis caudis sunt colligatę Iudic. 15. 4. Sic Moyses Deut. c. 28. 13. optat bonis, vt sint in caput, dicens: *Constituet te Dominus Deus tuus in caput, & non in caudam: & eris semper supra, & non subter, si tamē audieris mandata Domini Dei tui, quę ego precipio tibi hodie, & custodieris & feceris, ac non declinaueris ab eis, nec ad dexteram, nec ad sinistram.* Sic viceuerfa vers. 44. vult eos, qui à diuinorum mandatorum obseruatione deflectunt, constitui in caudam. Sic de equis quos vidit D. Iohannes in pœnam missos Apocal. 9. 19. *Potestas, inquit, equorum in ore eorum est, & in caudis eorum. Nam caudę eorum, similes serpentibus, habentes capita: & in his nocent.* Sic lupi hi licet ouina pelle sese diu contendant, tamen in ore & cauda dignoscuntur:

in ore



in ore mendacium, in cauda venenum amatorium continent: non amore castissimæ sponsæ, quæ Cantic. 2. 5. & 5. 8. amore cælestis sponsi Christi languet, sed amore mundi, carnis, diaboli. Eò enim vergunt nostri temporis falsorum prophetarum & apostatarum nostrorum conatus & studia omnia. Interim *longeuus & honorabilis* Isai. 9. 15. *ipse est caput: & propheta docens mendacium, ipse est cauda.* In confirmationem huius libet adijcere vaticinium Iohannis Lichtenbergij, qui anno 1488. Kalendis Aprilis hæc prædixit quæ sequuntur, & tum etiam edita, & rursus typis impressa cum figuris Moguntię anno 1492. octauo Iunij. *Monachus, inquit, in alba cuculla, & diabolus in scapulis eius, retro habens loripipium longū ad terram, non amplius etiam brachijs, habēs discipulum secum stantem. His propheta erit Dys & demonibus terribilis, signa multa & prodigia faciet, eius quoque aduentum prauis demonum spiritus fugient. Praclarum habebit ingenium, multarumq; rerum scientiam, ac maximam sapientiam in hypocrisi, tamen mendaciū sæpè loquetur, & cauteriatans habebit conscientiam, atq; scorpionis instar huius coniunctionis ac eclipsationis domicilij Martis virus & venenum in cauda reclusum.*

*Iohannis  
Lichten-  
bergij va-  
ticinium.*

C c s

aliquo.



aliquoties effundet, erit quoque multi sanguinis effusionis causa. hæc ille. Obsecro Christiane lector, potuítne plus quam 30. annis ante hæresin suam, Lutherus melius describi? Lutherus Monachus sanctissimo habitu Eremitarum D. Augustini indutus, qui domesticus albus est, si exeant nigro sunt superinduti: qui se prophetam iactitat, vt diximus, cuius humeris insedis Diabolum vidit Imperator Maximilianus I. vt capite 6. fol. 53. docuimus. Blasphemus in Deum & sanctos, demonibus terribilis, cum eos eijcere, & cum ijs disputando contendere conatus est, vt capite 3. & 6. ostendimus: tot signa edidit, vt electis quibusdam imposuerit: Hypocrisim ex quarto cap. colliges, Mendacia ex capite decimo & decimonono elicies: Cauteriatam eius conscientiam ex capite 4. intelliges. Sanguinis effusionem ex capite 19. 20. 21. facile habebis. Discipulum quem secus stantem habet, alij Philippum volunt, ego non immerito Monachum quempiam dixerim, monachali enim habitu, sed alio quam quo indutus est propheta, depingitur in editione antiquissima anni 1488. & 1492. cuius exemplar penes nos fuit. Interpretor ergo Martinum Bucerum nomine

*Martinus  
Bucerus.*



mine, similem professione monastica, in  
votis essentialibus non dissimilem: quem  
quomodo instruxerit in superanda con-  
scientia cap. 4. fol. 29. demonstrauius.  
Et hæc quidem sunt corporis lupini partes,  
& membra potissima, quorum anatomia à  
me facta, si necdum aduersarijs satisfactum  
intellexero: dabo operam, vt instrumen-  
tis chyrurgicis ad anatomiam faciendam  
magis accommodatis; maior membro-  
rum singulorum suo tempore fiat anatomi-  
a, doleo me pectus ipsorum luporum  
penetrare non potuisse id discutiendo, sed  
obstitit duritia pectoris, quæ ab historicis  
trahitur. Est enim ferocia eorum talis, vt  
Nabuchodonosoris, cuius ferocitatem pe-  
ctoris Iudith. 3. II. Iudæi nulla pietate aut  
obsequijs mitigare potuerunt, & furor  
maior furore Assueri pectoris, de

quo Ester 15. 10.

\* \*  
\*



CAPVT